

嘉卉園題詞



余與元昌稚相親長相遊又相契
也元昌舞象具食牛氣余辟景
莫敢雁行蓋厥殖淵于六籍百氏
古今紀載大小酉藏旁逮稗野英
潤靡弗擷厥才穎于公車業古

嘉平園言
文詞騷雅漢魏六朝初盛體格
靡弗造厥宇邃厥器閱以敷于才
人逸態賢遊豪舉末侶纖趨疵
類靡弗汰累累叔姪琳琅韶秀
咸以千種自期許元昌鋒穎不
露而間一訓唱未嘗不傾儕偶焚
輒弃太不復理語云文章與時高
下余亦曰詩文與品夷隆品重則
詞不挑品貴則格不靡品恬則氣
不浮元昌鍵關下帷不問生產作
業其品未可于標季中求故業曰
奇進韻語特其一種是刻又特介

562926



Oct. 31. 39.

弟仲長裒其笥中所存者曾不
及元昌著作什一然吉光片羽文
豹一斑固不足盡元昌而元昌之
人品與詩品具于此蓋棧林有兩
王太史云一則司成先生與北地諸
君子並建旗鼓一則家君同年受
翰撰先生以一甲第三人橐筆侍從
文藻德業先于俎豆元昌為翰
撰冢嗣脩業而息之無難嗣武
顧翰撰昆季咸韶年掇巍科不
竟其用元昌獨老其才不輕售
天所以畀元昌使繼兩太史之後

者意固胥在也

崇禎旃蒙大淵獻律中大族

渭上南居仁識



從猶子喬年謹書




自叙

余不能爲詩而好讀詩間有所作率棄去不理
存者什一爾乙亥北上第輩念生平積苦不欲
湮沒焉彊余授之刻太史思敦爲余序其概而
不無獎借過情媿不敢當季安弟跋語載其篇
章若干目皆入都以前語及往來都下歷梁趙
燕晉數千里旅况幽懷卽車塵馬足間不能默
無感咏約略計之諸體弗一而總當舊刻之半
第輩又彊余刻之曰新詩不可廢也余勉應惠

嘉卉園詩卷一
不自余
連阿好意而因識兩刻始末若此

丙子歲清明日松門隱者王承祚元昌識



嘉卉園詩卷一

械林王承祚元昌著

弟永祚仲長較

五言古

述懷

我生不逢時。偃蹇四十年。少小負意氣。老大翻
連遭。世故洞閒居。交期見落拓。貧病知何關。故
人甘寂寞。遂覺萬事輕。奚啻浮雲薄。

交道難

交道列天常。豈爲貧賤忤。所以嚴子陵。漢光不肯負。奈何薄世情。聚散如雲霧。本是一旅親。偃蹇相妬。班馬盛文章。不如陶朱富。絲夷擅清名。不如孟嘗。遇生時望塵。趨死死無一顧。人非金石資。豈能岡陵固。轉盼升沉間。忽復漁樵聚。後人哀後人。先達願先步。一洗塵土心。從吾金蘭素。衣自不厭新。人自不厭故。管鮑貧時交。千載猶餘慕。田實實如紛。有道誰比數。閱盡古今態。明晦真堪寤。渭北又春田。誰當尊酒娛。

哭溫子茂才四首

萬曆甲辰歲六月十四辰。余年二十六。生兒名阿申。兒生敦且敏。溫溫復恂恂。天性篤孺慕。戚戚兄弟親。言動謹無苟。汎愛而親仁。始終念餘年。無一乖若囂。生平半面識。靡不歸兒醇。何畀又何妬。而遽反其真。隕我掌上珠。奪我亢宗珍。生汝不克享。我命良苦辛。

二

生年四十八。終日長戚戚。偃蹇三十餘。窮愁空

四壁幸有兒女歡。撫之聊自適。豈知薄命人。缺
欠亦備歷。三女皆夭歿。冢兒復此感。汝生無天
徵。云胡摧蘭艷。秉性粟以溫。氣韵稱儻俶。後來
俊彥流。吁嗟不永錫。痛汝呼不來。長河淚相逐。
寒宵寐無成。山陽聽哀笛。

三

秋雨瀟瀟夜。金風颯颯時。汝疾不復起。從此死
生離。倏忽歷冬春。寤寐與兒隨。一夕三夢汝。夢
夢兒去來。初夢忘汝歿。笑言如平居。繼夢知已
死。乍見驚且持。三夢慘如裂。父子相抱悲。恩愛
兩難絕。世願爲翁兒。覺來猶痛哭。哀迷知訴誰。
起坐無聊賴。暮向壟頭之。

四

憶昔汝病時。一死不忍語。汝涕爲我收。我憂難
語汝。父子心頭言。至死才一抒。一子愛如珠。婚
讀皆有處。嘆嘆人世間。何物堪携去。生來二十
三。夭壽洞如許。汝死八閱月。遺腹男再舉。天欲
祚爾躬。錫胤以昌汝。汝生自達人。汝死何悽楚。

恬爾九京靈陰騰繼汝序

貧交嘆

貧賤難結交。結交誰與親。富貴自塵土。易我金。
蘭人今日軒冕者。當時膠與漆。意氣雷陳間。交
情管鮑匹。云胡隔雲泥。蓬蒿忽蕭索。管蒯廁絲
麻。顧盼兩錯愕。盤桓七貴宅。出入五侯門。滿目
炎炎是寂涼。何處存獨此。貧交情締念。堅金石。
榛薄意無羶。白首如夙昔。戀戀素心契。長貧以
爲期。倘復歷京洛。翻化素衣。繼傳語報平。津愁
餓甘無覲。世不棄君平。君平亦自棄。

乾壕

暮投乾壕闔。有村無居人。行躔靡所寄。號呼招
其鄰。須臾一人至。開戶留遠賓。無屠并無醯。橐
糧聊與薪。自言被兵火。半化爲青磷。存者什四
五。竄伏窟穴辛。客今因何事。肩險豺虎親。聽此
心欲折。同旅盡逡巡。兩人忽反轍。三人更前津。
狼狽不相顧。倉皇難復陳。聊此淹一夕。無憂空
自瘠。

莫相疑

平生樸且拙。心口不能違。梁雉原無迂。海鷗任
自飛。何事相疑者。深心空欽崎。我懷忘好惡。彼
性耽是非。豈如捐伎懽。情親澹爲依。坦衷道所
貴。豈弟天可祈。多機行多敗。猜忌終安歸。

旅中無寐

嬾性耽高卧。夜息晝分眠。五十如一日。斗室清
且閒。忽自驅長路。躑躅無停步。垂鞭信馬行。從
朝薄夜暮。卽次才瞬時。又聽鷄聲度。凌晨復前
途。魂夢繞春樹。何時了塵緣。遂我踈慵素。清簟
奕碁餘。頽然一枕寤。

過姜里

西伯在岐周。怙冒遍西土。麟瑞鳳鳴山。有二歸
仁宇。胡爲搆佞人。譖行崇侯虎。商辛信所言。囚
伯姜里虜。幸爾貞信臣。權宜濟其主。濟之云如
何。美女奇物聚。昏黷果投懷。釋囚專征斧。吁嗟
大聖人。毀譽憑人取。人言豈可憑。人國係吞吐。
後來亳社墟。佞人何比數。聖主慎貞邪。興亡鑑

古今

上太行

驅車上太行。太行何嶽崎。童山無草木。亂石鬱
相隨。行人攀崖陟。盤曲不能移。征馬馳峻坂。蹀
躞路倭遲。客子何自至。至自覃懷居。覃懷康莊
道。云胡入深崖。聞道嵩盧寇。避難從此來。來此
豺虎穴。亦且山賊窺。洪流遍滄海。安途未可期。
畏險復涉險。險易誰復知。前路紛回遠。西山薄
暮垂。心折無一寸。憂煩難自持。

寄倬楊脩齡先生

春雲蔽白日。陰風淒以側。群盜亂如毛。關輔慮
叵測。正憶東山人。笑談靖反側。驚聞梁木萎。天
地慘無色。舊時關令尹。蔽芾甘棠息。前後三持
節。開府綏四國。向來喜臨邊。事農遍西北。今日
悵楓林。單騎當破賊。天胡不憖遺。南國喪所式。
正人斯云亡。我心憂孔棘。况懷國士恩。拔我於
抑塞。落拓三十年。未能報其德。死生一朝分。心
念終何極。沉痛苦填胸。哀淚紛盈臆。願馳白馬

嘉卉園詩卷一終
來相顧無相識。徒將鷄絮情。託此晨風翼。

嘉卉園詩卷一終

嘉卉園詩卷二

械林王承祚元昌著

弟永祚仲長較

七言古

憶昔行

憶昔先人三百載。奕葉冠裳才振代。觀察令尹
肇科名。司成大業千秋在。諸父滾滾登廟廊。
薇垣赫耀杏園芳。杏園銀臺復同第。司徒接武
尚書郎。文章事業雄今古。天子知名卿相伍。

水見洪河山見華人中昆季爭誇詡山陰王文端公居史

局時與先方伯同使西蜀過華下傾蓋間識先太史於孝廉輒相器重別後寄書云屏從封

傳為萬里游無所遇獨幸於山見一自式微運

二華於水見洪河於人見昆季

迤邐我生四十未逢年十五前茅造士列吳江

中丞賞識先嗣來漳浦四明至甌甌璵璠與高

置最後巴蜀兩知音國士相期真雋異倏忽偃

蹇幾年華命途乖舛災禍加四女凋殤二子歿

淚血流灘長吁嗟那復功名入吾念萬事灰心

皆憎厭朝朝暮暮惟沈眠永世飄零一書劍老

薦明經謁帝廷風塵千里任飄萍出門十日

九日雨七日程途五日停露宿饑餐不可住况

復豺狼滿四布今日不知明日事何事微名徒

自誤不如安卧蓬蒿中偃仰松門半畝宮清明

上巳今都過孤負偕遊冠與童

磁鍾阻雨旅次述懷寄故園兄弟朋友

三秦千里旱氣烈經冬歷春無雨雪一自驅車

欲向東正是濛濛穀雨節出門六日四日雨三

百里程七日行四十年來渾偃蹇到頭偃蹇了

吾生苦憶神京道。紆折雲樹關河幾萬疊。况復
寇盜遍縱橫。經過處處俱焚劫。舊時廬舍半荆
榛。望門投止無故人。米珠薪桂燈火斷。大道車
馬絕行塵。忽逢客自南陽北。馬上相逢問消息。
爲我指點前途事。汝葉郊鄧烽煙棘。惟聞河北
差路通。帶甲荷戈盡從戎。邛山淇水邯鄲道。與
行不如覓健驄。語罷心驚膽欲落。何事浮名爲
羈縛。自悔從前事。詩書一事蕭條萬事錯。只合
衡門卧茅茨。漱流枕石自棲遲。課兒弄孫可怡
悅。胡爲皇皇道路馳。寄言兄弟與朋好。別時青
山滿芳草。春花爛漫應盡開。遊人誰與開懷抱。

寄上楊脩齡先生

憶昔武陵楊夫子。拔我抑塞出儔伍。桃李門牆
二十年。道義文章信有主。長安道路滿棠陰。絳
帳春風舊化雨。一別伏臘十五易。繡斧威名驚
破柱。時危談笑靖胡沙。萬里擁旄遠建牙。巴中
黔中帶甲滿。三韓羯鼓自三撾。曾上封書拜大
將。旋分虎竹泛星槎。兩地盡承帷幄筭。不減匈

奴無復家大臣一身任安危惠我京師綏四國
徵餉徵兵眉睫謀金城方略真淵塞漢廷指日
獻平胡定遠勳名垂絕域綱紀振飭皇路清
黎民安堵風煙息書生無力排帝闕秦地瘡
痍誰復陳安得星輶画熊至江海涸轍寒谷春
更有豎儒愁餓死偃蹇蕭條宿管心十年契闊
負知己雁足聊爲烏鵲吟

春夜夢亡兒溫覺來慘然感而賦此

余生偃蹇多抑塞中遘西河爲傷盡甜犢勸念
靡可忘觸事感時常惻惻遺孤學讀藐耳提鬱
鬱懷抱如沉迷對客暫餐勉然諾晚來風雨正
淒淒脫衣僵卧匡牀暮愁聽鷄聲窗外度反側
輾轉不成眠更漏沉沉下清露忽忽一瞬到庭
除三郎侍我斗室居含情猶說平生事藥裹關
心苦未舒記曳青衫長者屬山東郡丞陳誼篤
從容宿昔片時間語溫溫今貌如玉頓令隔世
父子情再見懽言續此生城頭鐘鼓夜深急覺
來慘然疑復驚豈其同念析薪苦體托山阿靈

嘉州府志 卷二
在戶。依舊通宵寐未成。擁衾長嘆淚如雨。

潼關卽事

百二山河天塹絕。嚴兵千萬貔貅列。巖巖雉堞
又新成。重關鎖鑰真雄桀。何來狐鼠敢窺關。朝
焚潼谷暮商山。棧林陰晉皆殘劫。流血僵尸大
道間。厚祿將軍何所事。徵餉徵芻千里至。空飽
俠兒不荷戈。皇輿編戶皆憔悴。九重西顧豺
狼訐。兵書日下未央宮。烏合蟻聚非難滅。刻期
掃蕩秦虜公。秦中地利稱四塞。扼要設防宜斷
賊。魚遊釜中虎落坑。妖魔何處猶潛匿。神州九
有盡金湯。豕突蜂屯空跳梁。今日安危大臣在。
蚤綏四國報明光。

乾壕卽事

乾壕自昔稱雄地。十室九室饒委積。四方賓客
至如歸。猶記萬曆年間事。近來寇盜遍縱橫。茲
方幾被賊兵毀。今夕叩門盡空居。乞水乞薪無
可冀。倉皇四顧正茫然。且復閉門聊假寐。須臾
飛騎十數至。弓箭橫腰金勒轡。哄言天子內

臣來行人歛迹辟相避。我前拱手問姓名。內使
和顏道所自。爲監茶馬杜脂膏。時有密章陳所
利。一日馬蹄三百馳。定期旬日達。天位此夕
還。同一旅人。朝來應到雒陽醉。旋解鞍前一酒
尊。斟來歡飲耶嬉戲。天明東裝向前途。遙見飛
塵逐飛騎。吁嗟行路亦難同。苦樂豐貧莫與致。
丈夫有志在四方。四方利病卽吾志。

雒陽道

雒陽城東車馬稀。當時周道今日非。四方熙攘
應無異。轂擊肩摩何處歸。一自關西群盜起。關
東幾被賊焚毀。河南河北盡凋殘。行李蕭蕭成
畏晷。我今匹馬問前津。萬落千村無舊人。行旅
愁兵居愁賊。吁嗟我生胡不辰。千百年來大都
會。喬嶽爲礪河爲帶。繁華輻湊代稱雄。周秦漢
宋名區最。山川形勝依然同。今昔英雄一夢中。
攬轡澄清何日在。飄萍隨梗任春風。

渡黃河卽事

孟津黃河古渡頭。千棹萬楫日無休。我來一葉

孤舟載三十幾船泊在洲。行人淹留不得渡。怪問有舟空自浮。舟人爲道防賊至。百萬縱橫滿飛騎。河南郡邑皆被兵。河北驚聞時豫備。官家戒令微行舟。只留兩船供旅次。南北東西多少人。兩船難濟交衢地。赤壁八公憶昔賢。破敵何事壅長川。將軍厚祿士宿飽。徵兵四集傳烽烟。河北偷安憑一水。河南平土誰與全。掃蕩妖氛不用戰。湯池天塹亦徒然。

脩武行

脩武城頭脩故城。千人舂鍤數數聲。居民涕泣訴苦楚。此方從來不知兵。前年寇來破城入。殺人如麻令被執。捶笞公廨索金錢。焚劫人家慘絕粒。當時長吏惡言盜。盜犯郊關驚奔告。官猶張威箝人口。滿城沟沟群亂譟。須臾賊至賊爲官。官翻被賊詢。且殘。朝廷設吏官治盜。墨吏爲虐乞盜寬。盜賊雖橫憚廉吏。政簡刑清民樂利。林林誰不衛身家。善人卽戎戎亦備。舊有令君李與楊。嚴明廉幹稱循良。民無冤口上褒薦。遷

秩垂名百禩。芳爲官。何不皆如彼。諱盜畏盜。盜
靡止。我不爲虐民。盡安。豈有樂郊橫盜起。

北行旅中聞李幹自石泉晉守師宗歸田
不赴次南陽阻賊留滯客邸率爾感懷兼

憶王繩廓省使

南郡才名五十年。小舒驥足尹石泉。鳴琴種花
惟卧理。譽滿巴江玉壘邊。吏隱名高名吏最。璽
書徵守滇南會。使君倦游拂歸衣。六十懸車隨
去旆。布帆無恙掛春風。千里荆門望眼中。路到
南陽飛羽急。停車客裏問郵筒。官兵十道東南
下。魑魅妖魔空叱咤。息馬投戈指日間。遙知迴
馭安車駕。到時夏木轉黃鸝。才卸行纏卽看麋
數卷圖書盈座客。一尊新酒幾篇詩。我亦與君
同調客。君遂初衣我獻策。遲暮蕭條老景催。微
名那逐東西陌。曾向山陰問子猷。勸予聊玩卽
行休。世途青眼誰如此。錯過仙舟逐急流。君今
故園三徑主。宅近烏衣時與伍。話我遠遊應共
憐。新雨難期懷舊雨。憑君欲寄一函書。南北天

嘉禾園詩 卷二
涯杏鴈魚西去蚤逢薇省使道予問訊近何如

秋風行

秋風八月太行山太行山頭虎豹關行人知進不知還車無停轍馬無閑石徑盤紆草色斑風涼颯颯吹人顏何不見幾尋歸轅逐逐烽煙不暫閒蜩蟬沸羹遍八寰北橫萬虜南百蠻况復寇盜萑苻間帶刀持戟又弓彎民不堪命如草菅太平有詔何日頒大地爲方天爲圓衡門一曲水一灣清明上巳令如環澗濱渙渙可秉藺白首松筠願與班鳳翼不附鱗不攀春秋可續詩可刪安用周流歷闡闡

隴州女子行

隴州女子年十五垂首攢眉訴辛苦艱難險阻賊中來欲言不言淚如雨生長深閨不識人阿爺阿母最情親提携兩弟親闈伴依戀承歡歲歲春廣廈高樓貯我屋綺羅錦繡襲重服祖父冠裳奕代傳母家貴顯尚書族荆榛野蔓豈曾窺行露中宵未暫隨亂離兵馬何嘗見凍餒奔

馳實不支。一旦妖魔破城入。殺人成川救無及。
祖父俱罹賊鋒殲。白日無光鬼晝泣。賊奴縛我
向馬頭。挺身欲走不自由。母子相看不得顧。遽
違骨肉墮魑幽。朝乘飛騎暮宿草。眼見塗地皆
肝腦。焚劫十室九室空。此生那復懷孃抱。忽然
道過華山城。馬死山前賊大驚。倉皇棄我前途
遁。孤孑趑趄不敢行。老婦顧見道中女。問我從
來憐與處。主翁矜惻訴官家。官家呼取投官所。
郡中士人哀且恫。共捐衣裳寒蔽躬。爲寄消息
問阿母。計還鄉土再生逢。死生離合渾如夢。禍
福乖祥誰與送。隴人淳朴先世良。此身那得干
天動。只因墨吏失人和。賦歛繁興凋瘵多。寇至
我民爲寇導。民自先驅寇荷戈。丈夫慘死女行
野。吏亦偕亡僵宇下。縱使攫金載滿車。突如焚
棟空拋舍。何如劉寵輕一錢。身名無毀萬民全。
閔不畏死原宜死。玉石俱焚空自憐。吁嗟貪黠
真痴絕。剖腹藏珠萬瓦裂。死有餘辜遺臭年。陷
民萬死名難滅。奈何覆轍又尋愚。莫赤匪狐黑

嘉卉園詩卷二
匪鳥今日已忘昨日戒沸鼎燎原何自圖

嘉卉園詩卷二終

嘉卉園詩卷三

械林王承祚元昌著
從七弟承之季安較

五言律

夏日幽居

早識蘇門勝幽居不用名
徑深人迹少林靜蘚衣生
病廢黃庭卷疎忘白社盟
科頭芳樹下吟嘯有餘清

燕集伯父南園次楊陞太史韵

南圃雨方歇。西山日已斜。疎松穿石澗。叢竹蔭雲葩。翠鳥巢珠樹。晴嵐帶紫霞。高樓有暝色。燈火半人家。

夏日郊園

坐對石門下。當簷落翠微。松陰宿水際。雲竹淨荷衣。萬壑蒼烟斷。千岩孤鳥飛。夕陽人影亂。徙倚欲忘歸。

送林季偉東歸

牢落悲秋意。憐君獨對余。五湖高士轍。四壁故人居。夜月登臨際。春花爛熳餘。相思應不淺。何處覓雙魚。

秋日東行阻雨十日始歸桃林道中有作
九月函關道。秋深木葉稀。雨餘寒露濕。風起白雲飛。晴色含朝靄。湖光落翠微。酒醒前路近。今日旅人歸。

送許浴吾山人

爲愛清狂客。頻停惠子車。醉君幾斗酒。老我一牀書。落拓真無賴。飄零豪未除。何當風雨夜。重

嘉州詩卷三
到子猷居

送范嶧陽老師被謫東歸

春光忽已半。世事總無端。勲業驚人易。行藏知己難。秦中新弟子。魯國舊衣冠。吾道千秋在。何須白眼看。

代人贈醫僧

生公堪度世。自謂有玄機。禪練五門法。術通六技微。野深松色老。風散雪山飛。今日相逢處。終南採藥歸。

題季父松鱗館五首

苑對南山近。森然戶外松。雲梢垂四壁。樹杪歷層峰。白日巢歸鶴。青霄起臥龍。春來風雨過。看受大夫封。

二

槐種司成野。蓮移太史樓。藏書皆有室。名館意同幽。客蔭石泉下。鸞棲玉樹頭。不知千載後。何處覓青牛。

三

箕踞此談經。虛窗靜不扃。脩枝全帶月。曲幹半含星。蓋偃青羊臥。機忘白鳥停。騷騷盈戶牖。風入自堪聽。

四

剝啄渾無迹。蕭然半畝宮。入門疑海嶼。夾道起松風。班駁蒼鱗護。青蔥黛色籠。無勞誚楚楚。梁棟自隆中。

五

磊落任涂窮。文章老更工。徑存陶氏共。名與謝家同。響振千門迥。溪廻萬壑通。愧非籠日侶。何以遡長風。

上畢東郊侍御老師

昔巡三輔地。今住五湖中。詞賦漢司馬。風流周畢公。澄清無採藿。茹拔有蜚鴻。昭代麒麟閣。知君第一功。

哭殤弟禎四首

汝生何太促。一病死爲隣。英物天仍妒。芳靈地作隣。雲殘泣斷岫。風慘淚沾巾。何處招魂是。盈

盈一水濱

二

傷心生聚所。冉冉幼魂哀。詩記尊前誦。吟從笑裏來。石麟孤月映。青塚野蒿開。尚有嬰兒慕。唧悲向夜臺。

三

哭爾三三歲。憐余六六年。雁行中斷一。鶴羽化來千。珠隕懷無橘。琴亡夢別天。那堪今昔恨。終日爲潸然。

四

送爾到黃泉。何年認大還。青山埋片玉。落日帶寒煙。定省留兄侍。音容寄妹傳。翻憐殤自壽。爲夭是彭錢。

送邢大夫入 觀二首

銀燭散煙輕。棠陰帶露明。朝天列五馬。臥轍戀雙旌。麥秀循爲吏。花饒錦作城。聖朝求治切。宣室問蒼生。

二

海國乘槎日。關門識尹時。種花名吏隱。避俗爲人知。惠雨隨征旆。仁風引去思。雙鳬重此地。春草正離離。

送陳墨公入都四首

江左俊人流。陳家舊太丘。偶來三徑下。時掛百錢游。對酒千秋過。論文永夕留。愧非題柱者。錯憶得同舟。

二

世路今非昨。貧交意自真。有君憐偃蹇。誰是傲風塵。寂寞山陰棹。蕭條烏角巾。胡琴看欲碎。虛說幾千緡。

三

不謂尊前會。忽爲千里人。紅顏同自老。白首向誰親。故業青箱在。新歡佳句陳。柴門相送罷。日莫鎖松筠。

四

東道真人駕。南溪處士家。人傳郭泰旅。君羨邵平瓜。墨公喜啖余瓜。屐迹留青竹。經聲宿絳紗。

相思無處覓。應問上林花。

中秋對月邀陳墨公史鳴卿李秀夫劉伯

明王長孺劉貞叔舍弟仲長小飲

今夕知何夕。開尊意自憐。居非安道侶。客是竹林賢。坐對蓬蒿徑。杯浮薜荔煙。醉來雙眼白。搔首問青天。

輓東憲明先生二首

故國山圍在。長川逝浪存。空庭驚鵬鳥。芳草失王孫。幾日未相見。千秋難復論。哭君不得反。雙淚落乾坤。

二

死別已心惻。生離更愴心。春宵孤鳳去。秋水一龍沈。舅氏歿于秋月春中先有鼓盆之戚金谷花時飲。青山竹下林。斯人何處在。流恨九原深。

寄懷尹惺麓老師四首

南郡今時傑。風流世所尊。名傳關令尹。人是漢龍門。白鶴乘青舫。春湖帶鹿轡。三吳形勝地。鎖鑰未須論。

二

帝簡巡方節。天開有脚春。腰縣金孔雀。肘繫玉麒麟。江左今歸蜀。連城舊向秦。南風饒化雨。客易失沉淪。

三

東道真人駕。臨邛處士家。乾坤雙白眼。風雨一天涯。問俗過吳館。談經宿絳紗。何繇生羽翼。空自憶仙槎。

四

四十已垂暮。蹉跎復幾迴。朱顏難自駐。華髮漸相催。平子愁堪賦。公孫閣未開。謬稱三獻在。應許和歌來。

題季安第青華閣

飛閣臨無際。藏書自昔年。風流珠樹舊。疎散竹林賢。窗攬一峰秀。芒寒五夜縣。寥寥人境外。相對兩悠然。

秋日詣共城侍季父宦邸

衛源一水合。秋色遠含情。萬疊山圍郭。千門柳

向城種花堪隱吏。枕石亦逃名。不是他鄉客。竹林有舊盟。

臘日共城歸留別仲弟

半生不得意。四十五年餘。千里憐岐路。三峰歸舊廬。牢騷千日酒。寂寞一牀書。已是離情劇。青陽又歲除。

壽長房宗尉尊人

東帝乘陽令。金天住世仙。代傳中壘業。人比獻王賢。綵服青霞酒。詩朋白雪篇。祥雲共縹緲。應是慶長年。

歲共城途中感懷憶社中諸友

不墮窮途淚。羞爲十上書。有懷思故國。無夢不匡廬。才作共城客。旋驅雒下車。風塵應念我。何處覓雙魚。

過潼關李惺日參軍留飲同伯符季安兩弟

別君忽幾月。對月復相逢。人在紅蓮幕。關迎紫氣重。權傾千日酒。快挹大王風。共是窮途客。應

憐意氣同。

過佩上人禪房上人住 福邸迎恩寺

遠公未遁跡。來往得相尋。縹緲三株樹。扶疎一

祇林。安禪住石室。採藥向山陰。上人欲有太華峨眉之游何

自朱門見。蕭然蓬戶心。

送羅善長東行

三楚風流客。十年雨雪途。蒯緱隨偃蹇。王瑟自閑都。逆旅君同郭。窮愁我愧虞。心期誰可盡。前路問征夫。

壽馬淳于憲副七十二首

南郡縣弧日。東風應律辰。青尊開北海。白雪唱陽春。庭走龍駒赤。簪生鶴髮銀。未須誇大耄。會見八千椿。

二

七十今朝是。黑頭已掛冠。著書彌歲月。卜築任盤桓。爛熳荆花簇。參差桂影團。稱觴人遞進。莫放酒杯寬。

奉和史鑑古司理先生春夜見投原韵

正是青陽節。福星應日來。勳名卓魯匹。詞賦馬
班材。燃犀霆雷照。蜚鴻棧樸開。夜珠明月在。吟
誦喜啣杯。

寄懷熊子侯先生備兵臯蘭二首

昔衡秦國士。今住大河濱。化雨千門舊。福星一
路新。憐才泣玉獻。銷甲隸農春。不謂斯飢日。猶
堪託下陳。

二

聲華周尚父。丰采漢龍門。帷幄師中界。文章古
道存。膚公垂絕域。輕騎走烏孫。社稷安危在。平
津義可論。

送季安弟遊南中卽入國子學兼寄懷來

陽伯大叅郭胤唐刺史二首

季也雲霄器。胡爲蓬蘽行。有心觀上國。無地覓
丘生。四十蜚騰意。三千雨雪程。窮愁吾共汝。分
袂不勝情。

二

淮海參知府。八公刺史州。素交皆不薄。皓首可

嘉州園詩卷三
相求厚祿傳書密。加餐托意綢繆。南尋問勞苦。努力濟時憂。

代贈遷客余檢較

浮雲元世路。白日起驚湍。謗滿堪憐樂。花饒知是潘。有書留魏闕。無夢到邯鄲。正自安危在。優游莫遂寬。

送張彥清還雒陽

張翰風流客。思歸意欲東。虎頭驚壁在。燕字鎖函空。對月論心劇。卽杯戀別同。春花開盡處。岳頂待相逢。

送李惺日參軍罷官歸越

春雲忽蔽日。世路亦茫然。勲業空花似。升沉泡影還。慣看平子賦。愁別季鷹賢。何日雙龍合。靈臺私自憐。

壽庶伯母弓夫人七十

寒食東風節。南陔壽母辰。身襲七葉廕。眼過六朝春。門巷烏衣舊。庭幃鶴髮新。有懷明發在。白首見斯人。

挽從姪婦曹碩人

孝女何年逝。曹娥異代同。生蘭悲作幻。操井恨成空。金屋寒霄月。瑤臺永夜蟲。姍姍來是否。蕭索九原中。

宋孕和携尊招游袁二山居袁竝以斗酒見留同閭景卿共坐

何自塵中界。忽開象外天。人居纔近世。

鹿隱名地

鹿幾千年對座。層霄逼當函。萬嶺縣招游。同勝侶。眠色不知還。

二

高士逃名地。幽人避世居。雲依仙館近。風入野亭虛。人面千峰合。濤聲萬壑餘。頻今塵意盡。從此任樵漁。

三

勝日尋幽至。仙家載酒來。盤餐傳遠市。斗室集羣才。把臂千秋過。論心萬偈開。追懽情未已。相勸盡餘杯。

四

袁安高臥處。王翰欲爲鄰。萬疊峰圍戶。千山鳥
向人。名無嬰世網。跡已斷紅塵。卽是丹丘在。桃
源錯問津。

輓盛元暉文學

盛子人中俊。騎箕忽上仙。門如王謝舊。業是向
歆傳。疇昔英雄在。升沈泡影還。器君能步武。風
雅自翩翩。

曉發磁鍾途中苦雨

登途才七日。積雨已成淫。兵火無行舍。蕭條斷
客心。征衣渾冷盡。鄉思與愁深。望望前村杳。投
門何處尋。

硤石道中竟日苦雨

硤石經行處。衝泥傍險難。亂雲迷去馬。愁色滿
征鞍。客路羊腸盡。浮生鹿夢看。西山日已薄。遊
子未朝餐。

乾壕苦雨

正是嶢函路。艱難不可行。米薪渾桂玉。寇盜苦
縱橫。鷄犬千村絕。烽烟十道明。偏逢積雨劇。不

得遂遄征。

義昌大雨三日留滯孤店

雨淫連九日。才復雨翻盆。滴溜驚鄉夢。飄零斷客尊。長陰無曉夜。積水滿乾坤。野館羈棲者。蕭蕭何處存。

義昌旅中阻雨三日喜逢藍田蘭始秦文

學同姬雪石任子

無奈衝泥怯。停車爲滯淫。喜逢同調客。堪慰異鄉心。把酒論交誼。連牀聽雨吟。千秋今夕在。羈旅一開襟。

望雒陽阻雨不至憶家山

望望雒陽近。迢迢不可尋。苦遭連雨急。寒入二陵深。客夢愁眠斷。孤衾永夜吟。無緣報妻子。涕淚滿衣襟。

咏古四首

季子生周末。遊秦十上書。黑貂憑自敝。金印總成虛。口舌翻人國。縱橫起戰餘。雒陽田故在。千古一丘墟。

嘉禾園詩 卷三
二
賈生逢漢帝。聖主得賢臣。痛哭元非激。治安空
自陳。在廷無吐握。宣室任咨詢。應是長沙老。吳
公錯認人。

三

李靖泥蟠日。唐宗虎視年。有懷西叩嶽。投策帝
興賢。生長餘秦縣。功名記簡編。一朝塵土沒。客
思漫相牽。

四

了翁元避世。忽詔起江鄉。林壑不相放。煙霞難
可忘。野心終畏俗。石隱欲埋光。寄謝宋天子。生
涯一草堂。

積雨初晴新安道日暮山行

山行愁日晚。崕底卽深流。徑滑泥污積。蹊迴亂
石留。密林投宿鳥。牧豎驅來牛。暝色催程急。遊
人何處休。

慈澗旅中新晴見月且始聽雞鳴

別家五百里。曾未聽雞聲。積雨無晴夜。連旬斷

嘉禾園詩 卷三
月明嬋娟今夕照。籬落向晨鳴。天上人間在行。行是太平。

途中悲亡仲子茂才四首

傷逝情何劇。悲兒淚眼懸。生來清比玉。死去化如仙。淒淒斷長征路。蕭條遲暮年。老牛憐舐犢。流血幾時乾。

二

客歲當茲日。承歡依故林。端陽才卧病。七夕死相侵。藥餌全無效。詩書不廢吟。兒賢那可忘。痛絕到如今。

三

平生孤往意。托興在清狂。闢徑栽松竹。迴溪蔭柘桑。買書空篋笥。迎客盡裘羊。茲事皆陳迹。哀哀苦斷腸。

四

豈謂中秋節。情親生死分。青山埋片玉。白日帶殘雲。行斷孤鴻叫。鶯啼舊客聞。空餘荒壟在。荆棘滿高墳。

嘉禾園詩 卷三
朝發磁州

朝起月中行。環河曲抱城。晴光初日動。曙色曉
鷄鳴。碧柳長堤合。清流夾道明。偶然殘夢裏。黃
鳥語嚶嚶。

中山道中過禪門鋪

中山元故國。野館號禪門。城郭孤村在。干戈古
樹存。暮雲隨去馬。芳草憶王孫。何日逃塵劫。空
林誦法言。

代壽葉中書母二首

葉令元仙籍。萱齡六袞遐。名從薇省著。壽自海
天加。桃摘三千實。蓮開十丈花。荀郎庚愛日。滿
酌飯胡麻。

二

寶婺輝南極。慈幃喜壽康。緋衣朝進酒。青女夜
傳香。寵荷鸞書賁。年同鶴筭長。從今新甲子。幾
度歷滄桑。

安肅道中悲亡仲子茂才生日

茲辰汝覽揆。往事尚依然。病已纏骨髓。杯猶好

嘉子園詩 卷三
俊賢死生一瞬息。魂夢幾山川。苦是傷心劇。征衫淚不乾。

經伏羲廟志感

一。畫。開。天。後。斯。文。直。至。今。詩。書。翻。口。舌。禮。樂。藉。宵。壬。三。代。人。湮。沒。千。秋。事。陸。沉。何。如。仍。渾。沌。老。死。不。相。尋。

旅中憶仲兄初度時住孔園

吾兄今石隱。令節此懸弧。不遂四方志。唯耽一鑑湖。真成日涉趣。直與歲華俱。獨是飄零者。無因共挿萸。

聞孫華屏計音志悼四首

別來才五月。不意爾長離。正有甘霖望。如何梁木萎。里亡陳仲譽。人失漢官儀。况復金蘭誼。千秋那可期。

二

世人耽宦癖。君意澹然歸。青瑣墨封駁。黃河白馬違。寧甘汲黯薄。不恨董宣非。一出春明外。隨尋薜荔衣。

三

憶昔投交日。鞭看祖逖先。君爲松夢客。吾愛竹林賢。別業裘羊在。傳杯水石邊。情真久久密。往事已長捐。

四

正是驅車急。驚聞逝哲人。滿襟渾涕淚。萬事總酸辛。直道今淪沒。冠裳漸廢湮。誰將司砥柱。吾欲問迷津。

八月初廬州道中蓮開猶盛漫述紀事

八月是深秋。蓮開一曲流。花紅嬌欲語。荷碧淨如幽。南浦水方至。西疇務已休。非關饒地力。雨露近皇州。

旅中聞關輔寇氛告急四首

群盜縱橫甚。八年未蕩平。近聞關輔棘。況是客魂驚。桑梓同休戚。朝廷繫重輕。將軍不用武。空抱杞人情。

二

養兵原息寇。兵與寇俱驕。徵餉無虛歲。搜民不

遺燠。豈知枵士腹。翻爲飽中宵。庚癸呼方劇。機槍何自消。

三

太平輕甲冑。兒戲是棘門。萬灶無烽火。千軍暗羽旛。趨承文墨吏。簡賤蟻蜂屯。到此都翻却。跳梁抗至尊。

四

中朝申重憲。特東進賢冠。戕帥兵無罪。殘民將自安。運籌空萬計。決勝失三單。窮極應通變。多艱未可寬。

之京過高柱宇舊居志悼

君家余館客。兒亦館君家。元締百年好。誰期兩逝華。門楣空舊宅。庭樹去寒鴉。翁壻俱零落。愁深暮景斜。

星輶絕糧

昏黑星輶至。馳驅未暫停。客來無一飯。戶外有三星。皎皎當空月。飛飛亂宿螢。愁眠不得曉。何日到柴荆。

旅次書懷

元是窮途客。茲行何太窮。春來驚豫寇。秋去畏
盧戎。上策淹留盡。歸山偃蹇同。祇應伴猿鶴。猶
自逐飄蓬。

宿沁水廢寺縣經賊破後殘掠無餘詩以
紀之

竇氏刺吾秦。劉家社稷臣。夙聞稱晉障。今入是
灰塵。城郭餘三戶。招提住一賓。連朝炊餉斷。行
復寇爲鄰。

客舍中秋月明不寐

客邸過中秋。月明增客愁。嬋娟空在望。星斗爍
如勾。萬事孤衾裡。千憂一寸頭。夜深渾不寐。侵
曉又行輜。

曲沃懷李明府

明府今時俊。仙鳬曲沃來。鴻名傳大業。錦邑製
新裁。文藻青蓮並。風流單父開。延津何自化。有
日賦憐才。

途中懷仲弟生日


嘉卉園詩卷三
愛弟懸弧日。阿兄賦遠征。烽煙迷故國。車馬滯
名城。已是三峰近。才餘百里程。踟躕不得進。徒
有惠連情。

亡仲子茂才初忌途中紀哀

今辰兒忌日。猶自客中行。咫尺吾廬近。迢遙汝
祀縈。老牛憐犢淚。愛子隕珠情。流恨終何極。乾
坤共此生。

輓楊孝廉乃翁

令子攀龍上。仙翁跨鶴飛。玉棺天界落。金骨洞
中依。閭閻人非故。箕裘願未違。明朝看薤露。不
必嘆何歸。



嘉卉園詩卷四

棧林王承祚元昌著

從七弟承之季安較

七言律

東憲明舅林園讌集

積雨空林四月春。幽棲魚鳥亦相親。晴雲拂檻
開青嶂。麗日含烟鎖碧筠。風送山花香細細。波
搖石澗白粼粼。相看不厭豪梁意。笑倩漁郎把
釣綸。

送季父應試北畿

昨夜天移北斗文。南山佳氣曉氤氲。驪歌自唱陽關路。龍隱還騰芒碭雲。一室情親今酒共。千秋鐘鼎異時聞。承恩射中公孫策。世掌絲綸答聖君。

白司理華池先生自辰州遠貽書貺詩以報之

亭亭孤月下山陰。此夕傳書到械林。坐帳舊縣秦水鏡。舉帷新沛楚天霖。風流賸住紅蓮幕。落拓空爲烏鵲吟。雲白江青萬餘里。塞鴻南去問知音。

題東氏墨莊樓

飛樓縹緲碧山圍。樓底藏書隱少微。姓字君傳東曼倩。風流我愧晉烏衣。芸窗筆架沾朝雨。度閣牙籤帶夕暉。奕世青緗吾道在。五陵裘馬任輕肥。

秋日諸友邀同陳墨公游蟠龍寺阻雨不果小憩村樓悵然有懷次墨公韵

562926
Oct. 31. 79

嘉州園言卷四
自是疎慵合臥遊。無端風雨一天秋。已拚出郭
少塵事。聊取看山坐。碧流載酒追趨陳季杖。臨
風惆悵仲宣樓。躋扳未倦重來意。何日捫蘿到
上頭。

雨夜同舍弟與墨公坐墨公用前韵見贈
賦此奉答時墨公將入都

夜雨空堂悵昔遊。忽驚節候欲中秋。細推萍梗
千年跡。難廢江河萬古流。有客思歸觀上國。無
人星聚共東樓。憑君莫話青雲事。宿昔蹉跎今
白頭。

中秋對月與諸友飲是日余適有嫁事

山在空堂月在天。中秋秋思倍依然。名慚向子
緣婚事。榻號陳蕃賴客賢。露下銀河雲影散。波
搖碧海夜光縣。豪來對此歡無極。倚杖看蟾未
擬還。

代題樊烈仙祠

寒山一夕震風來。飄渺仙姬斷鴈哀。霜慘麻姑
潭水月。露懷毛女洞雲臺。貞心映玉渾無染。勁

節干霄。死未灰。虛說瑤池降王母。碧鷄金馬浪相猜。

代人登舉山紀遊二首

青蓮爲石玉爲泉。舉嶽排空墮碧天。萬疊飛湍雲裏見。千門寒色望中縣。幾行絕嘯明還隱。無數迴溪斷復連。隨意莓苔都可坐。教人不惜買山錢。

二

岩龔太舉俯天中。眼底洪河一線通。萬壑蒼煙迷遠樹。平林孤鳥度斜風。苔封蘿洞含朝雨。雲鎖松崑落暮虹。纔得登臨隨屨跡。浮生明日又西東。

秋日東行李安弟以詩投贈時匆迫不及留別途中率爾感懷因書以見志

君住青門我客遊。卽今時節正逢秋。纔看舉嶽三峰落。忽見洪河九曲流。梁國衣冠留屨跡。

舊長淇源車馬舊同稠。先太史借計時適先方梁泉歌淹留。經過處處俱非昔。半是雲山半是愁。三日

題馮行涵刺史山居

亂雲堆裏一茅廬。刺史逃名此卜居。山靜遠開
蔣詡徑。竹深頻過子猷輿。千林寒色孤峰外。萬
壑濤聲落照餘。我欲爲鄰王翰似。半生殘業未
能除。

投贈楊荆岫先生

曾聞奕代遡長風。傾蓋投交意氣同。寂寞三朝
前太史。光華兩世漢司農。峨山化雨千門裏。懷
水春湖萬壑中。斗望久思楊伯起。青衫今喜姓
名通。

題仲兄如月館

近開幽館傍城居。迤邐樓臺四望移。檻引長林
千樹碧。窗含深苑百花奇。忽從屋角迎初月。且
喜空廊聽晚吹。風雨也應朋好至。一尊新酒幾
篇詩。

送馮南溟先生參軍督府二首

一壑蕭條半畝宮。沈淪四十恨書空。豈期幽仄
垂綸日。誤入參苓採藥籠。授簡許如梁苑在。著

書名與茂陵同。何時龍劍延津合。知己恩深報未窮。

二

東風習習雨紛紛。桃自芳菲花自芬。萬井春深
懽有脚。一尊酒盡惜離羣。雲霄日月歸金馬。煙
水蓬蒿倚暮雲。鐘鼎千年青史在。於今重數大
馮君。

送盛楊陞宗伯還關門

京雒風塵事事違。尚書偏戀芟荷衣。爲耽水竹
尋幽僻。頗厭紛囂說是非。月下青尊留客醉。松
間白雪和人稀。居東未是君王意。鴻渚還應
信宿歸。

下第後送君典弟還蘇門

分飛落羽意何如。慘澹秋風爲索居。老我脩名
慚獻策。憐君抱璞亦空書。三三道路行看遠。七
七年華景漸疎。去住應須各努力。離羣征馬漫
躊躇。

季安弟澗園亭子

嘉州志 卷四
青山爲嶂。澗爲濱。疊石爲亭。面面新看竹。種松
三徑老。飛花啼鳥四時春。杯傳金谷園中酒。名
是烏衣巷口人。見說風流依舊在。杜陵韋曲漫
傷神。

代贈沈五知兵憲二首

絳節遙臨玉塞秋。鹿輪飛蓋下銀州。霜寒孤嶺
三千界。露潤洪河萬里流。征戰氣銷光日月。笑
談氛埽靜貔貅。從今功業圖麟閣。姓字應封定
遠侯。

二

幾年並直義同殷。金鑰曾霑曉露芬。記室故須
推沈約。請纓元自屬終軍。勲名竹帛傳青鳥。烟
水蓬蒿倚暮雲。寄語關山今夜月。因風還憶惜
離羣。

壽盛楊陞宗伯六袞二首

星臨南極應青陽。六袞新裁薜荔裳。仙掌雲紅
春自永。關門氣紫日初長。冰壺靜貯千年籙。石
室精餐五色香。壽國壽民渾壽域。須知綠野佐

虞唐

二

羽蓋霓裳擁鹿車。卿雲祥靄度關斜。金莖露浥
仙人酒。玉佩春深學士家。西海已知榮棗實。東
風又見長蘭芽。作朋應協岡陵固。不比靈椿數
歲華。

壽郭母七十

東風吹煖下瑤臺。金母長生壽域開。桂子蘭孫
縈綵服。綺筵銀燭映霞杯。樓居舊識三山在。圖
籙新承五福來。最喜年芳才九日。無邊春色逗
青梅。

壽庶伯母劉太夫人七弟季安母也

寶婺星輝四岳宮。朱明麗綵瑞雲籠。千秋奕葉
萱爲蔭。六十年華鬢未蓬。范母傳經應得壽。荀
郎愛日可培風。詞人多少呼嵩賦。鄭重斑衣意
不窮。

輓思南趙太守

朔風吹落塞門烟。枯竹忽驚素旆還。趙壁空傳

嘉州府志卷四
鵬鳥異。荊州未識玉樓先。晉陽保障勲猶在。滇
國論兵墨不乾。薏苡文犀馮妒口。圖麟貽燕兩
俱賢。

上熊于侯先生

落拓窮途四十年。蕭條偃蹇自相憐。謬承國士
無雙遇。忽隔春風尺五天。秉鉞臯蘭青塞北。飛
鳥明月暮雲邊。熊車何日甘棠地。鴈字遙將隻
字傳。

壽郭母東太夫人九十

瑞日祥雲喜氣新。弘開壽域應昌辰。六朝曆數
三千籙。八座夫人九十春。綸綍重光金孔雀。箕
裘奕葉玉麒麟。一門五世稱觥處。多少斑衣戲
綵人。

寄懷尹子求先生

春風桃李見啼鶯。絳帳人居白帝城。萬里膚公
推吉甫。十年落魄老殷生。聖朝文獻無雙士。
蜀國山川自五丁。蚤晚盡能龍臥起。論兵先欲
請長纓。

夏日同盛子寬宗伯仲兄夢邀七弟季安

雨中登舉山絕頂二首

太舉峻嶒幾千仞。招携躡履到峰頭。東風過雨晴嵐出。絕壁迴雲落鴈留。老石門班駁護山深。苔徑碧烟浮。真源白帝卽堪問。何待高尋八月秋。

二

探竒已入最高峰。山意翛然澹未濃。呼吸青天通帝座。虛無丹鼎是仙踪。白雲吞吐千嵒瀑。玉女扶搖九節筇。日暮雨涼徒倚遍。松聲鳥語帶

疎鐘。

白雲玉女
舉山峰名

庚午下第寄謝都門故人

題書一札報知音。宿昔青雲斷自今。貂敝爲淹十上策。魚函忽枉四愁吟。盤跚不是封侯骨。偃蹇空勤說項心。自分他生元未薄。那堪貧病日相侵。

輓郭太夫人

八座夫人九十稀。淒風一夕掩仙闈。悲纏毛義

承歡櫟忍斷萊庭戲綵衣。淚盡熊丸和雨碧魂。
搖子舍望雲違榮哀今昔還堪在。殢露何須恨
未歸。

壽南二太司空

星臨南極近薇宮。瑞日卿雲紫氣籠。道德五千
周柱史。勲名六十漢司空。青山綠野人難老。桂
父茅君仙是翁。中外安危方倚在。還應黃髮代
天工。

壽溫母六十

溫家先甫周公旦。八座夫人魯敬姜。奕葉鳳毛
驚代起。千齡鶴髮慶天長。金風玉露迎芳節。青
筍銀魚薦紫觴。六袞從今稱壽母。不知幾度是
滄桑。

雨後同舍弟君典季安六兒鴻孺携尊秀
巖閣奉侍徐檀翁先生小飲與朱山人共
坐有詩見示依韵上和時先生將歸越

惠雨隨車到處多。偶然逆旅亦滂沱。已拚解綬
尋初服。聊與開懷一放歌。授簡慚非七發在。憂

時無那四愁何。卽今暫乞東山去。望切爲霖許
再過。

季安弟以詩紀前事用韵和之并呈徐檀

翁先生

幽院深深長綠苔。樓頭風物故悠哉。門登元禮
真殊遇。閣下公孫好自開。舊事烏衣懷燕去。新
詩白雪和歌來。論文今夕知何夕。春樹江雲一
酒杯。

送徐檀翁兵憲 予告還越中

麟閣勲名三十年。蓴鱸新乞五湖邊。暮天客散
平陽酒。夕館雲間靖節絃。鴻羽故從飛羽集。鹿
輪今作臥輪還。停車喜奉春風座。有道真成對
昔賢。

輓馬淳宇兵憲

疎星孤月曉霜寒。一水盈盈愁色看。奕世勲名
秦大姓。六朝文物漢衣冠。金蘭陳誼白眉在。羅
薦新盟綠蟻殘。寂寞今宵蒿里曲。臨風雙淚落
長干。

輓郭鑑亭大府

寒梅歷亂落荒臺。凍雪愁雲慘未開。蚤歲鷄壇
今寂寞。新來燕笑亦蒿萊。平反司寇留清譽。師
帥滇南失大才。疇昔英雄渾似夢。不堪衰暮倍
增哀。

宿陝州孤店夜夢亡師郭石塘先生先生

故貳守陝州

零落吾師二十年。蕭蕭客夢忽相憐。化成熊耳
蹟猶在人。寄甘棠名自賢。蚤歲傳經今老大。壯
心伏櫪竟迍邐。平生意氣難消滅。故託康成舊
士前。

雒陽懷舊

少小黃瓊侍所親。于今十度雒陽塵。升沈泡影
懷前事。生死交情憶故人。瀝澗近分新帝子。
箕裘猶附舊龍鱗。自憐短髮蕭騷日。那向河
橋問去津。

發雒陽愁雨

嶢函苦雨連旬日。才過雒陽雨又來。大道泥汚

嘉禾園言 卷四
成。仄。徑。平。疇。汨。沒。長。新。苔。征。衣。春。暮。寒。猶。薄。客。
思。愁。深。鬱。不。開。咫。尺。洪。河。晴。裏。渡。濟。川。東。去。卽。
蓬。萊。

北邙憶松門故園

松。門。石。室。近。蒼。崖。翠。竹。清。流。帶。古。槐。春。雨。杏。花。
明。小。院。秋。風。梧。葉。散。幽。齋。時。從。旻。杜。看。碁。局。相。
對。裴。王。豸。鹿。柴。今。日。北。邙。山。上。望。路。迷。心。折。是。
天。涯。

湯陰懷岳鄂王

將。軍。事。宋。心。猶。赤。宋。負。將。軍。好。佞。臣。二。帝。魂。消。
胡。地。雪。兩。宮。環。冷。汴。宮。春。笑。談。已。分。腥。羶。靖。金。
縉。胡。爲。魑。魅。親。頸。血。未。乾。亡。社。屋。空。令。遺。恨。汗。
青。論。

安陽懷舊

洹。上。司。成。大。業。鳴。山。中。宰。相。令。公。榮。劉。琨。卓。異。
稱。循。吏。李。賀。風。流。作。政。聲。舊。日。交。游。成。往。跡。蚤。
時。冠。蓋。亦。浮。名。重。經。四。十。年。前。事。又。傍。漳。臺。銅。
雀。行。

漳河吊古憶舍弟舊遊銅雀臺因書懷寄
示

漳水東流去不回。銅臺高倚大堤隈。西陵歌舞
人何在。胡服飛揚事已灰。日落馬蹄踏跡遍寒
侵。鴻影傍沙迴舊遊。却憶山中弟。愁把天涯一
酒杯。

臨洺關北聞警

關城仡仡羽紛紛。客度關城已夕曛。日午才傳
折首過黃昏。又自伏戎聞河南。五郡豺狼道冀
北。千村虎豹辟望望。安行達。帝闕早陳疾苦

聖明君

途中喜逢羅山張黃月先生

匹馬蕭蕭客路邊。仙槎忽漫遇張騫。羨君賦就
三都日。媿我書淹十上年。清署承明元獨步。大
名垂字自今傳。相逢邂逅班荆話。傾蓋投交是
昔賢。

大石橋憶張可齋先生張故刺吾莘

循吏張堪五十年。至今遺愛棧林傳。當時大石

嘉州園詩 卷四
橋頭客幾度烏衣巷口邊梁燕近歸誰甲第寫
鳬空憶舊神仙我來野老憑相問兵火殘墟非
故阡

趙州憶先太史昔與何中寰按君相值感
舊書懷

昔遊童稚已蹉跎太史星輶舊此過繡斧霜臺
弭使節干旄良馬御驪歌傳杯永夕論交誼投
轄深宵掩荷戈往事于今一水在行人欲老奈
愁何

代壽喬震寰封翁七十二首

仙喬姓字與天長七袞椿庭嶽降祥南極斑衣
朝戲綵西飛青雀夜廻翔金莖露浥蟠桃實春
酒香浮白玉觴令子勲名鍾鼎足更申三祝似
堯唐

二

使君子舍住金天 簡命今還北斗邊 明主
久馳三錫誥詞人新頌九如篇靈椿自合八千
歲鶴筭纔登七十年海屋瑤池渾是幻那知平

嘉州園詩 卷四
地有神僊

慶都張燦垣父母招飲同令罷世兄

馮翊甘棠早樹成京州紫塞舊籌兵功名已上
麒麟畫尊鱸忽尋泉石盟老去生涯十畝足閒
來歲月萬緣輕故人何幸逢今夕把酒談懽到
五更

京國喜逢陳知白故人

傾蓋交期二十年別來踪跡兩茫然魚函鴈字
傳千里秦樹江雲會一天勞苦平生成恨賦陰
跼宿昔采愁巖相逢意氣還吾輩博物何人數
茂先

賦荅衛紫岫編脩二首

奕奕梁山禹甸先龍門太史自翩翩西京文物
班揚並北斗勳名伊傳賢羹沸亟須調鼎膺波
頽直欲正坤乾何時枚卜來良弼一日爲霖靜
九天

二

菰蘆偃蹇自初衣歲歲年年卧舊扉爲有公車

徵國士也從 皇路盼 恩暉數奇元分脩名
薄策上仍淹啓事違青眼多君獨念我新詩憐
贈旅人歸

出都留別陳知白

窮途飄泊在天涯客裏逢君舊契家談劇似驚
風雨集尊開無復暮雲遮禪林聽梵三更月渴
思吞湖七碗茶何事又爲分手去更知後會幾
年華

渡滹沱

滹沱河水帶雄城遺蹟猶傳光武名形勝依然
今社稷威儀誰復漢公卿堯封禹貢歸何日金
甲春農事未平號澤窺關滿眼惡那如王霸快
籌兵

過恒陽憶外舅李履齋先生舅故守恒州
恒州太守舊知名四十專城綠野盟父子西京
千石貴墳簞晉代二難并旂常未暗凌煙畫弓
冶新傳令嗣榮王粲于今才到此果然薦福事
堪驚

邯鄲過李毓華先生舊治

六十年來大國風舊時名尹去思宮三巡繡斧
霜威使一日棘廷綠野翁著述超玄陶靖節敷
陳慷慨陸宣公典型尚有緇衣在欲問弓裘建
業中

先生銀夏人遷鍾陵

還家志喜

長安多少五陵衣何不書生卧舊扉抱璞久知
和氏棄脩名猶自楚臣違青山白石堪清賞野
牧村樵向落暉何用折腰五斗粟陶潛今喜賦
來歸

輓郭母

令母音徽入草萊東風吹雨過荒臺機留斷跡
宵長掩背老萱花晝不開奕世姻盟陳誼在幾
年凶咎劇愁來

仲子辱在甥館不幸先亡

最憐今昔堪傷處

無限悲涼殢露哀

嘉卉園詩卷四終

嘉卉園詩卷五

械林王承祚元昌著

弟永祚仲長較

五言排

過比干廟

商辛爲不道獨智惡人言八百兵全會湯孫社
故存朝歌俊虐政太白豈亡魂王子同休戚孤
忠訴至尊志甘殉社稷死不恨煩冤遺跡標殷
聖新祠托衛村積誠能悟主悞諫卽凶門七竅

心猶赤三仁義可敦我來茲地過人去大名掀
瞻望徘徊罷清風淇水源

晉中憂旱

三晉渾無雨深秋似艷陽萬農愁荷笠孤客念
迴腸嘉禾無生意膏壤盡廢疆徵軍憂果腹供
餉奈空倉唇齒連鄉國山川非異方秦人難閉
羅吾土亦兵荒時三輔寇氛孔棘城門晝開道
路爲梗而夏麥秋禾俱稱歉薄

壽制府楊脩齡老師四十韻

尚父高名赫荊樁大曆昌風騷元屈宋詞賦儷
班楊弱冠蜚雲路精心答聖皇割鷄花縣尹
破柱繡衣郎秦樹千門雨江鄉十地霜觸邪憑
妬口彊項肯迴腸才秉貔貅節旋披薜荔裳時
方殷幹濟帝亦賚賢良龍臥楓林處人還北斗
傍庶僚欣泰道百揆振頽綱寰宇尋多難鄙延
忽破所有村皆戰伐無計問耕桑特簡孤卿
重來旬絕塞荒玉關新鎖鑰烏府舊旂常阱虎
空跳野游魚任沸湯事農銷甲遍司牧惠民康

運幄除窮寇策勳入未央
膚公垂竹帛雅望繫巖廊
十月弧懸夕皇初嶽降祥
億人懽景麗比屋慶天長
今嗣畿南部天山萬里防
遙擊青玉案爲薦紫霞觴
金鵲班欄服蘭蓀戲綵塲
盈堦芝桂馥接席鳳麟翔
橋梓看朋侶兵黎盡壽疆
河流添獻尊草野競躋堂
葛令丹砂漬梁皇秘奧藏
羣仙紛舞座一雀遠相將
鍊骨夙傳訣怡情且鑄糠
行年六十邁益筭八千強
正國祈齡萬寧那仗髮黃
安危全付在保艾熾而臧
忝竊門牆後儀刑德義芳
平生懷國士經歲一書牀
不願求黃石何勞覓皓商
餐芝非佐漢避穀豈匡王
元老猷能壯真仙別有方
只宜三祝誦堪詠九如章
並喜升暘谷因霑寸草光
吹笙慚子晉思托鴈隨陽

壽南太宰年伯絃翁三十韻

渭水接長天秋風變碧蓮
晴光開壽域平地見神仙
蚤歲承明署夕郎馳譽年
三公脫屣易一日報劉先
朝野歸純孝巖廊藉俊賢
才膺司馬

錫旋擢秉均官品藻卽懸鏡清明象止川罔卿
特簡昇節鉞矻旬宣直道終疆項廷爭不避權
飄然棄纓紱歸去戀林泉教子成名異襲芳裕
後全難兄蘭省吏愛弟玉堂貲詔起楓林下班
高北斗邊筦樞九字計司揆百僚端專席何曾
暖安車又乞還漢家榮二疏今代數雙南簪笏
盈牀在勲華奕世傳桂芝膝下簇麟鳳坐中環
同酌班衣酒咸承綵服筵嘉魚帶青笋瑞燭吐
芳煙橋梓三朋立鳴鳩萬紀綿怡情堪樂世保
艾只安眠萬六看常醉八千記大椿駐顏何用
藥永筭豈還丹遐福如山積脩齡似海寬寓寰
稱大老古昔對彭錢知己猶生我探花舊共鞭
金蘭千古重卵翼二人偏偃蹇書生遇薄無它
世緣鼎湖欣有託歲效祝嵩篇

關門悼懷盛大宗伯楊雱先生三十四韻

宗伯大名尊三朝耆舊門蕭條七載歷憑吊二
陵原憶昔盍簪在迄今古誼存金蘭奕世重蘿
蒿百年婚不獨姻盟結真同意氣敦期余終大

嘉州園詩 卷五
受看世豈長屯無恨埋名伏空爲喪鼎奔美斯
原櫝韞塞意正泥蟠不朽青箱業應新玉樹溫
感懷金錯佩憐贈太行轅來往從茲熟儀文不
用繁浹旬情未替百遍簡相援特往山陰棹遙
依水竹村清談消炎暑繾綣整秋軒歸隱青牛
駕仍尋白帝源三峰隨杖屨一榻共盤飧尚訂
重來約難忘後會蹇斯遊才踰歲君病熾如燔
重九馳緘素三申志訣言驚余連亟問相對兩
頰寬藥裹床頭客沒存瞬息樽君稱余最契從
未報僵袁余慰君朋壽當無天道反君云無復
語好托後來昆遺藁幃中貯更繙几下煩平生
相仗意此夕爲消魂倏忽成塵土淒涼問冷煖
靖胡懷謝傅翼漢悵東園直道誰堪並清流可
遽昏我行經故里月旦有公論無地樓臺起垂
聲宇宙掀當生安社稷遺烈正乾坤舊事依然
是斯人不可諉傷心何處盡愁聽舊時猿

嘉卉園詩卷五終

嘉卉園詩卷五終
嘉卉園詩卷六

械林王承祚元昌著
從七弟承之季安較

五言絕

寄懷家叔村居時家叔亦寄詩至三首

愁極不能寐寐深醒却遲
函間紅日上忽有鴈傳詩

二

昨夜西窗月今朝南圃雲
相思無處覓落葉正

紛紛

三

相去五十里懷思應萬重寸心言不盡徙倚對孤松

和史鏞古司理先生壁間韵

胸中水作鏡手底筆生花一散窮途恨春風滿萬家

莫春積雨七日山行見雪用唐人韻

荒山大道絕大道行踪滅何事爲遠游獨踏荒山雪

紀異五絕句

二月旱不雨三月雨復雪初春御綺羅春暮寒栗烈

二

陰氣滿乾坤積霖無朝昏天道乖如此人事亦爲翻

三

連歲苦兵荒人物皆爲病饑疫死未足鋒刃殺

嘉州園詩
卷六
人命

四

吁嗟萬死餘豈堪供賦稅賦稅猶有名無名米
豆腐

五

天子九閭隔利害誰與陳不是憂天者丘民未
可貧

紀事五絕句

本爲防胡兵徵餉無寧日科打民無聊凶黠因
詭譎

二

揭竿一爲呼三輔成鼎沸蟻聚而狼吞居圉皆
成畏

三

初訐秦晉間浸淫梁楚趙畿輔已跳梁驚傳淮
泗擾

四

十萬貔貅士將軍厚祿名息戈何日奏不復請

長纓

五

安危社稷臣根本還須慮察吏自安民民安盜亦去

新樂旅次夢榮孫二首

風雨又天涯遊人何處家偶然客夢裏膝上弄慈鴉

二

鎮日爲舍館宵眠傍我隨乍離應係戀何月復懽提

客裏端陽走筆招陳知白

客裏逢佳節愁懷不可禁故人應念我相過一開襟

與知白期而不至口占一絕

飄泊窮途日心期托子昂凝眸期不至愁絕在斜陽

家書到聞趙氏女病四首

家在三千里音書杳不聞傳書又苦楚客况總

嘉興園詩
卷六
如焚

二

愁苦何時了年華髮已霜
向平婚嫁畢那得遂相羊

三

藥裹經年在愁懷未一舒
豈知千里外勞苦又鴻魚

四

客路窮無盡豺狼路復窮
恨難插羽翰天鳥趣西風

行經蒲坂先太史舊使三晉
余童子時隨侍憶舊述懷六首

先代探花郎乘槎向朔方
所經皆舊跡人逝已長楊

二

留詠山川滿垂名字宙
芳聖朝無諫草簪筆記明良

三

蒲坂當時傑回天濟大川至今張相國寧壹萬
民傳

四

塞下百夷欵籬邊五袴歌太平渾樂事誰復畏
干戈

五

神聖四朝歷冠裳奕代同多憂遍寰宇空抱杞
人衷

六

少遊曾幾日五十已霜華猶自窮途客飄飄天
一涯

普救寺二首

普救何年寺淒涼沒故宮崔張渾浪跡那得舊
絲桐

二

寶塔依然在草橋曲徑斜風流不復管驚夢落
誰家

嘉卉園詩卷六終
嘉卉園詩卷七

械林王承祚元昌著

弟永祚仲長較

七言絕

脩武旅中懷蘇門舊遊同七弟侍亡叔宦

邸書懷

蕭蕭匹馬賦東征日午停驂脩武城望裡蘇門
才一舍舊時仙吏尚留名

二

嘉州園詩 卷七
當時汗漫百泉遊阮謝風流此泛舟姓字依然
泉水上不知身世已浮漚

三

五十年來舊竹林于今飄泊二毛侵曾憐汗血
期千里孤負泉臺一片心

四

窮途垂老逐天涯不似張騫萬里槎柳下孫登
今昔在華山深處是吾家

秋雨山居獨坐

暝色寒煙逼暮愁滿天風雨下東樓那知今夜
空山裏獨閉溪門四壁秋

戲贈劉瞻石索燭

仙郎開宴出紅粧未許山公到画堂日暮酒酣
傳蠟燭青煙一夜散宮牆

和仲兄南墅雨中獨宿

十月霜寒衣未成不堪愁睡到天明更憐南圃
姜衾冷一夜瀟瀟風雨聲

代送邢大夫入覲

琴堂無事坐花飛
蕭寂空庭候吏稀
今日乘輶向北闕
城頭姑射碧山圍

冬日玄陰同史鳴卿馬明叔舍弟讌集墨

莊樓三首

颯颯寒風雲四垂
雒陽高士臥茅茨
何來落拓二三子
痛飲狂歌醉習池

二

天意垂垂欲雪無
騎驢偃蹇信狂夫
因尋東郭先生履
共醉臨邛司馬壚

三

綠字赤文無數奇
一丘一壑好誰知
貪看鄴架幾千帙
不覺庾樓半夜時

招長孺飲以詩見却卽賦答之

青山碧水帶蒼筠
君自高閒我自塵
但使眼前無俗物
何須閉目不窺人

過鼎湖

聯秦界晉控中州
山水依然帶素秋
鑄鼎仙踪何處是
浮生空自任悠悠

奉先道中月夜渡渭

匹馬歸來駕小刀夜深明月漾波濤不知誰是
乘風者青髯蕭蕭已二毛

季安弟澗園

峰青水碧野雲閒占斷溪南第一山更喜無多
屋宇碍千林烟樹帶晴灣

輓李郡丞父母四首

椿庭晝掩五雲天碧玉熒熒二十年淚盡王哀
千古恨應須華表認君還

二

萱砌宵零冷暮鴉秋風一夕斷天涯太行猶作
白雲眄仙閣忽寒寶婺華

三

樗散如絲憶鄭公和丸辛苦母儀同長楊多少
纍纍地不似龍眠一夢中

四

高塚焦堯對夕陰此中蕭索古今心浮生莫墮
牛山淚送客聊爲碓露吟

嘉州園言
春夜夢亡兒溫覺來慘然賦此

寂寞長楊墮下兒人亡已是六年期
春宵忽自成生聚夢裏分明似舊時

清化訪高生不遇

當年訪戴入山陰今日重行過竹林

涂經高
氏竹園

尺故人期不至那知何日更相尋

銅雀臺

銅雀臺前遍柳花隨風飛去落誰家
當時歌舞

今何處雲樹深深宿暮鴉

沙河大風

沙河大道遍沙叢十度行人九度風
馬首欲東人意懶飛塵白日亦濛濛

發藥城道經獲鹿分土因懷獲鹿長

藥城東去卽恒陽獲鹿雄封接去疆
咫尺仙鳬飛不到那能跨鶴共廻翔

藥城旅中四首

少小微名列大賢共期弓冶紹臚傳
擔簦今日明廷對不是皇家結網先

嘉靖園詩 卷十
行李蕭蕭嘆路窮偶然館客話相逢憐予遠道
栖栖者爲說仙家河上公

二

馬蹄日暮遍黃沙忽起狂飈大道遮塵滿征人
都下淚愁深此夕在天涯

四

碧桃紅杏對成陰遠澗孤桐影自沈那得宮商
尋爨下只應泉石伴鳴禽

夏縣道中將近家山時三輔寇急

行盡羊腸任轉蓬蕭蕭匹馬近蒲東故園風物
依稀是只恐雲山荆棘中

聞喜旅中夢亡友吉德成明府

秋宵客夢到荒城舊日裘羊徑裏行三十年來
渾是幻滿庭殘月又鷄鳴

郭九變恤部奉使西蜀余附行還舉山
途中感懷四首

千里秋帆博望槎星霜寒燠老天涯爲看形勝

嘉平園詩 卷七
懷風土到處雲山冷暮鴉

二

天下車書盡漢官
孟嘗無復客馮驩
風餐水宿
隨飄梗仙客長歌欲釣竿

三

太平時節壯行遊
負弩前驅是尉侯
四海盡知
天使貴百僚爭共李膺舟

四

橫流滄海九寰驚
烽火西京自不平
憂國叩關
無處叫客愁聊付一楸枰

和仲兄雨中看孔園桃花

帶雨看花莫漫愁
春郊芳色滿汀洲
勝遊任被
東風妬縱酒何妨良夜謀

嘉卉園詩卷七終
嘉卉園詩卷八

械林王承祚元昌著

弟永祚仲長較

聯句

春日雨中與仲長君典季安三弟小飲聯

句

近况愁無賴開尊共破愁

元昌

看花慵照眼乘

月怕登樓

仲長

嶽色清相傍春雲澹欲流

君典

且拚今夕醉風雨一淹留

季安

再同諸弟雨中看海棠花聯句

新雨殷紅濕春堦發異姿

季安

叢葩看滿目佳

醞喜盈卮

君典

葢密含香細枝垂絢彩奇

仲長

賞心同樂事莫放酒行遲

元昌

秋宵月下郡齋與劉玉衡廣文對酌四首

風流誰繼古劉郎三峽才名屬大方

祚

坐處槐

陰圓斗室吟餘桂影蘸椒觴

劉

談經時下南州

榻結綬先分玉署香

祚

我有寶刀君可佩臨岐

把贈意何長

劉

二

姓字期君蚤覆甌人憐鷄樹舊風流騰驤玉鼻

花三鬣燦爛宮袍繭百頭

劉

尊酒論文燒燭短

月明秋思動人愁相看未厭濠梁意莫道淒涼

季子裘

祚

三

絳帳光傳太乙藜開尊對酌覓新詩興酣落筆

搖山岳醉裏留題彷彿峴碑

祚

器識過曹知

有日才能諭蜀未逢時老非題柱深慙我應笑

山公倒接羅

劉

四

縹緲秦樓碧玉簫因風雜佩度瓊瑤雲連關塞
千山月寒落岷江萬里潮祚何處騎龍來酒姬
此中化鶴有仙喬况逢才調渾相敵遮莫螟蛉
視二豪

劉

附對聯

丁亥余方九歲夏夜侍先太史侍星月
映簾光輝滿戶先君撫余未寐因命屬對
對已先太史喜其能尋遠景對近事念過
庭遺訓不忍忘故識之

星從簾外見月自海邊來

戊子余十歲時冬月侍先太史朝餐積雪
新霽有風吹雪屑滿前與日光相映如片
片玉鱗自天而下也景際清絕因命屬一

對時先太史將入都

瑤臺飛玉雪 寶殿奏薰風

先太史祠門對

直比太丘國啓闕宮崇俎豆

清如平仲家無隙地起樓臺

門對

客徑有花何意門多長者轍

臣心如水獨憐齋卧古人書

姓與子猷同慚無爽氣 居非安道侶爲愛名山

鳴鳩館

我愛孟浩然白首松筠安可仰

客期徐孺子青霄風雨亦來過

五陵小築

花臨水徑星臨戶 山在茅堂月在天

灝姪入學門對

閱閱百年門戶昔傳金馬第

衣冠十代風流今接探花郎

丙寅賓興新生對

菁菁我在中陵菁菁我在中泚喜今茲錫我百

朋

藹藹王多吉士藹藹王多吉人願有日媚于天

子

又

非公事無至大夫之室 做秀才體 丁在

心

又

謹庠序之教青青子佩青青子衿批 無開於

城闕

運帷幄之籌在泮獻囚在泮獻馘亦 京廣於

德心

賀郡佐閭君乃郎入學

虎渡魚縣治郡風流垂北斗

鵬飛鸞薦丞髦文物振西離

壽郭大夫夫人九十

霍舞犀蟠五馬遙將青鳥至

蘭芬桂郁一門遍着綵衣新

壽季父六十

道德五千紫氣青牛周柱史

勳名六十泉刀平準漢司農

又

長生如曹國鳴鳩騏伊弁帶伊綵人祝萬年一

甲子曰周一甲子曰始

傲吏是漆園蝴蝶吸斯風飲斯露

息八

千歲爲春八千歲爲秋

又

雁行兄弟四大夫得其位得其名

一大

夫難兄一大夫難弟

燕翼祖孫八君子不朽言不朽德不朽功不朽君

子善創今君子善承

代壽冢兄六十

六袞年華曆數重開新甲子

千秋閱閱姓名元是舊仙家

學宮讌郡伯父母

嘉州府志卷八
麥秀桑繁卓異循良真可樂

泉香酒冽風流太守醉成翁

學宮再讌郡伯

宵雅求友生迨我暇矣躋公堂稱兕觥環橋門

萬計縉紳冠帶

鄭人愛司徒授子粲今爲春酒介眉壽嘉州府志卷八泮水

千門舜日堯天

壽孫華屏六十

父母俱存兄弟無故王天下不與

永任從

教富有涯貴有涯福那有涯

夫妻偕老孫子象賢人世間難

入堪

羨祿無盡名無盡壽同無盡

文宗試院

數仞宮牆美宗廟富百官雙懸日月

四科門第出爲邦入鼓瑟再觀春秋

嘉卉園詩卷八終

嘉卉園詩後序

伯兄元昌先生嘉祐

得五言古七首七言古二五

言律五十六首五言絕一首七

言律四十一首五言絕四首七

言絕十六首聯句四首梓成命

序余小子受而讀之曰惟哲帝
肇位命典矢歌洽職迄於厥用
世濟壇社格承以贊贊師錫德
辰惟三五儔功采采以興賞
功言匪頌弗宣匪雅

永言擊村亮庸乃

良自昌言欽懿憲

志

朝弛天保采薇芬

退俯詩不用七古昔匪

吾

家事司成未霄

帝正龍節鴻名夙電成規街槐見
志斐偉繼及先子克謹傳聲香

嘉平園詩卷之七
堂丹壑寓言大重惟隣垞既遠

一時進隱仲父承明

帝廬憲章司成曳履一識尚書符

德已薦于休禎暨歸表

發

諸魏史氏墳第造

後家有名士錢三

免

齋願問曰家民

賸伯兄于先太

利賈正告習家人

金王為詩先承不喜隱以故五

言古窺要眇七言古曾舉五言

律以離鑒懷修靈矣并七言律

信姤練要座，都盡吾言絕。

瓊廡七言絕，欽奎礪礪駕舞勞。

高冷然會舞伯兄懷刺，弟門一

感舊知都人士。

復為之播曰：從。

兄行且歌天。

竟吾家事以詩。

不可得也。昔人

朽盛事在則有。

小子請拭目以俟。

從七弟承之拜手謹言。



不肖男冲孺百

